

Në bazë të dispozitave të nenit 21 të Ligjit nr. 03/L- 087 për Ndërmarrjet Publike (“Gazeta zyrtare e Republikës së Kosovës”, nr. 31/15 qershor 2008), respektivisht nenit 13 të Ligjit nr. 04/L-111 për ndryshimin dhe plotësimin e ligjit nr. 03/L-087 për Ndërmarrjet Publike (Gazeta zyrtare e Republikës së Kosovës” nr. 13/30 maj 2012), Bordi i Drejtorëve i Kompanisë Regjionale të Mbeturinave KRM “Ekoregjioni Sh.A “ në Prizren, në mbledhjen e mbajtur më datë: **15 prill 2021** mori vendim që të shpall:

K O N K U R S p ë r

Kryeshef Ekzekutiv në Kompanin Regjionale të Mbeturinave “KRM Ekoregjioni” Sh.A. Prizren

Informata të përgjithshme

Kandidati për këtë vend pune duhet të jetë person me integritet, i cili i plotëson kushtet e kualifikimit, kriteret e pavarësisë, duhet të ketë përvojë të nevojshme profesionale dhe shkollimin e kërkuar, dhe kushtet tjera të kërkuara me dispozitat e Ligjit për Ndërmarrjet Publike.

Mandati i Kryeshefit Ekzekutiv

Kryeshefi Ekzekutiv emërohet nga Bordi i Drejtorëve për mandatin prej 3 (tre) vjetëve, me mundësi të vazhdimit edhe për një mandat.

Kompensimi i Kryeshefit Ekzekutiv

Kompenzimi dhe përfitimet e Kryeshefit Ekzekutiv do të përcaktohen nga Bordi i Drejtorëve të Kompanisë Regjionale të Mbeturinave KRM “EkoRegjioni” Sh.A, në përputhje me deklaratën për politiken e kompensimit të ndërmarrjes.

Përshkrimi i punëve

Kryeshefi Ekzekutiv i Kompanisë Regjionale të Mbeturinave KRM “EkoRegjioni” Sh.A, Prizren, krahas punëve të parapara me dispozitat e Ligjit Nr.02/L-123 për Shoqëritë Tregtare dhe të Ligjit Nr. 03/L-087 për Ndërmarrjet Publike, ka edhe këto detyra dhe përgjegjësi:

- Bën planifikimin, organizimin dhe kontrollin e afarizmit të ndërmarrjes;
- Në bashkëpunim me përgjegjësit e njësive organizative, koordinon punët e ndërmarrjes me qëllim të implementimit sa më të drejtë të politikave zhvillimore të caktuara nga Bordi i Drejtorëve të Ndërmarrjes;
- Të përcaktojë një strategji efektive për Kompaninë Regjionale të Mbeturinave KRM “EkoRegjioni” Sh.A, Prizren;
- Bashkëpunon ngushtë me bordin e drejtorëve si dhe menaxhon kompaninë dhe para këtij organi raporton për menaxhimin e kompanisë;

- Bën sistemimin dhe organizimin e të punësuarve konform dispozitave pozitive dhe të politikave zhvillimore të ndërmarrjes;
- Mbikëqyrë përgatitjen dhe implementimin e Planit të Biznesit me qëllim të përmirësimit të performancës së ndërmarrjes;
- Udhëheqë dhe koordinon punët me udhëheqësit e sektorëve dhe stafit tjetër të ndërmarrjes;
- Të vendosë sisteme dhe procedura për menaxhimin efektiv i Kompanisë Regjionale të Mbeturinave KRM “EkoRegjioni” Sh.A, Prizren;
- Përfaqëson ndërmarrjen në raport me palët e treta;
- Kryen edhe punë të tjera të përcaktuara me ligj, statut të ndërmarrjes dhe bën ekzekutimin e vendimeve dhe rekomandimeve të Bordit të Ndërmarrjes i Kompanisë Regjionale të Mbeturinave KRM “EkoRegjioni” Sh.A, Prizren”.

Kualifikimet dhe përgatitja profesionale

- Të ketë përgatitje superiore në fushat ekonomike, teknike, juridike apo të tjera të ndërlidhura me aktivitetet, në të cilat vepron ndërmarrja;
- Të ketë së paku 5 vjet përvojë në menaxhim të lartë (pozita të larta drejtuese)
- Të ketë shkathtësi organizative, drejtuese dhe aftësi të shkëlqyeshme të komunikimit;
- Shkathtësi të dëshmuara në punë me grupe dhe organizim të ndërmarrjes apo të ngjashme;
- Shkathtësi të mira në punën me kompjuter;
- Njohuri në gjuhën angleze e preferuar.

Informatë për procedurën e konkurrimit

Kandidatët për Kryeshf Ekzekutiv, duhet t’i dorëzojnë dokumentet si më poshtë:

- Aplikacionin; (merret në zyret e Ndërmarrjes).
- Referenca;
- CV-në;
- Letër motivimin;
- Diplomë universitare e pranueshme në bazë të legjislacionit të Republikës së Kosovës, e noterizuar / e nostrifikuar (origjinali i nevojshëm në intervistë);
- Dëshminë mbi përvojën e punës;
- Çertifikatën për të kaluarën kriminale nga Policia dhe Gjykata (jo më e vjetër se gjashtë muaj);
- Kopjen e letërnjoftimit;
- Deklaratën nën betim (merret në zyret e Ndërmarrjes).
- Dëshmi të patent shoferit
- Certifikatë shëndetsore.

Aplikanti duhet ta vendosë nënshkrimin, datën si dhe deklaratën nën betim ku deklarohej që i përmbushë të gjitha kushtet e pranueshmërisë.

Aplikacionet së bashku me deklaratën nën betim merren dhe dorëzohen së bashku me dokumentacionin e kompletuar në adresën: **Zyret Regjionale të Ekoregjionit në Prizren**

Në aplikacion duhet të ceket qartë titulli i vendit të punës dhe dokumentet e bashkangjitura të aplikacionit duhet të jenë kopje dhe nuk kthehen. Aplikacionet e dorëzuara pas afatit të paraparë nuk pranohen dhe aplikacionet e mangëta refuzohen.

Kandidatët të cilët konkurojnë duhet ta shënojnë saktë adresën dhe numrin e telefonit kontaktues, si dhe email adresën.

Çdo përgënjeshttrim material, qoftë i qëllimshëm ose nga neglizhenca, ose ndryshim material nga informatat e dhëna në deklaratën e sipërpërmendur, do të rezultojë me diskualifikimin e menjëhershëm.

Vetëm kandidatët e përzgjedhur në listën e shkurtër do të kontaktohen.

Kompania Regjionale e Mbeturinave KRM "Ekoregjioni" SH.A, ofron mundësi të barabarta punësimi për të gjithë qytetarët e Republikës së Kosovës dhe inkurajon të gjitha gjinit e të gjitha komuniteteve që i plotësojnë kriteret e konkursit që të aplikojnë.

Vlerësimi formal i kandidatëve dhe intervista do të bëhet në një kohë optimale pas përfundimit të afatit për aplikim. Bordi i Drejtorëve i Kompanisë Regjionale të Mbeturinave KRM "Ekoregjioni" SH.A. e mban të drejtën e formimit të listës së shkurt me aplikantët si dhe përzgjedhjen e Kryeshefit Ekzekutiv.

Konkursi mbetet i hapur nga data 07 maj 2021 deri me datë 24 maj 2021 ora 16:00.